

Gott's Geist dörwirkt dat ganze All

Nach dem Kirchenlied:

Allein Gott in der Höh sei Ehr

Plattdeutscher Text von Otto Pötter



Bild: pixabay

Gott's Geist dörwirkt dat ganze All
mit Energie, de stärket.
Ja, söwwst de Sterne, ohne Tall,
iähr Lecht sick in Em briäket.
So ganz un gar von Glanz un Lecht
is vull den Kosmos sien Geflecht,
mit Jubel, Halleluja!

Gott's Geist dörwirkt dat ganze All,
mit Liäbenskraft up Erden.
Well dao noch fröch, wat dat wuohl sall,
draff driester nich noch werden.
Denn dat is to verkennen nich,
dat Gottes Geist in nix nich schwig;
all's jubelt: Halleluja!

Gott's Geist dörwirkt dat ganze All,
baut up, wat is hinfällig.
He röppt to Sick, mit fienen Schall,
ümdat et liäwt wier hellig.
Un dat mit Jesus Siet an Siet,
dör alle Fährnis, dör all' Tiet,
froh singend: Halleluja!